

TALKING POINT
DATO' PROF. DR. ZUL AZHAR ZAHID JAMAL
NAIB CANSOLOR
UNIVERSITI MALAYSIA PERLIS
SEMPENA PERJUMPAAN MINGGUAN BERSAMA PENGURUSAN TERTINGGI UNIVERSITI
7 FEBRUARI 2018
DI KOMPLEKS SUKAN UniMAP, PAUH PUTRA

Assalamualaikum Warahmatullahi Wabarakatuh
Salam Satu Malaysia, Salam Negaraku Malaysia - Sehati Sejiwa
Salam Ilmu, Keikhlasan, Kecemerlangan UniMAP

SALUTASI

Yang Berbahagia Timbalan - timbalan Naib Canselor UniMAP
Yang Berusaha Pegawai -Pegawai Utama Universiti
Yang Berusaha Penolong Naib Canselor UniMAP,
Dekan-dekan dan Ketua-ketua Jabatan,

Seterusnya warga Universiti Malaysia Perlis yang saya kasihi sekalian.

KATA ALU-ALUAN

1. Alhamdulillah, syukur ke hadrat Allah Azzawajalla kerana kita dapat kembali bertemu di pagi yang berbahagia ini sempena Program Perjumpaan Mingguan Bersama Pengurusan Tertinggi Universiti yang menjadi medan untuk kita bersama-sama pengurusan tertinggi

universiti bagi mendengar amanat dan berkongsi maklumat terkini mengenai perjalanan universiti.

2. Setinggi-tinggi terima kasih saya ucapkan kepada seluruh warga UniMAP yang menghadirkan diri pada hari ini kerana masih setia bersama program ini.

Hadirin dan hadirat sekalian

INFO KESIHATAN

KANSER SERVIKS

3. Bersempena sambutan Hari Kanser Sedunia yang disambut pada setiap 4 Februari di seluruh dunia, Pusat Kesihatan UniMAP telah menyediakan artikel mengenai Kanser Serviks.
4. Untuk pengetahuan semua, kanser ini terjadi di bahagian pangkal rahim (serviks) dan merupakan kanser ketiga paling kerap dikesan di kalangan wanita selepas kanser payudara dan kanser kolorektal.
5. Di anggarkan 1,500 wanita negara ini disahkan mendapat kanser serviks setiap tahun. Kanser serviks menyumbang 6% dari jumlah kematian akibat kanser di kalangan wanita.
6. Lima Langkah penting untuk mencegah kanser serviks:
 - Pameriksaan Pap smear secara berkala:
Pap smear merupakan salah satu cara terbaik sebagai benteng pertahanan pertama untuk mencegah kanser serviks. Kaedah ini berfungsi untuk mengesan sel-sel dalam pangkal Rahim yang berpotensi bertukar menjadi kanser.

- Elakkan merokok:
Racun rokok bersifat toksidatif sehingga boleh membawa kepada kemunculan kanser dan bertambah ganas.
 - Lakukan seks dengan selamat:
Lebih daripada 90% kanser serviks disebabkan jangkitan Human Papilloma Virus (HPV). Penyebaran virus ini terjadi melalui hubungan seksual yang tidak selamat
 - Menjaga kebersihan vagina:
Selain melakukan pap smear untuk mencegah kanser serviks, anda juga harus menjaga kebersihan vagina terutama saat datang bulan dan keputihan.
7. Dapatkan vaksinasi HPV (Human Papilloma Virus) yang lengkap iaitusebanyak 3 kali suntikan mengikut tempoh yang ditetapkan seperti :
- Suntikan pertama: tarikh pertama pelalian diberi di klinik
 - Suntikan kedua: 1 bulan selepas suntikan pertama diberi
 - Suntikan ketiga: 6 bulan selepas suntikan pertama diberi
8. Adalah penting untuk wanita menjalani ujian pap smear dan mengambil vaksin HPV sebagai langkah pencegahan kepada kanser serviks. Sebagai makluman, Kanser Serviks dan Kanser Hati adalah 2 kanser yang boleh dicegah dengan vaksin.
9. Justeru, saya menyeru agar staf, tanggungan dan pelajar wanita hadir ke Pusat Kesihatan UniMAP Induk, Pauh Putra esok, 8 Februari 2018 jam 8.30 pagi untuk mengikuti Program Kesedaran Kanser

Serviks dan Kanser Payudara. Ujian PAP Smear, Ujian darah untuk kolesterol dan gula dalam darah diberikan secara percuma. ***Mencegah Lebih Mudah Dan Murah Daripada Merawati.***

Hadirin dan hadirat sekalian

PROGRAM YANG TELAH BERLANGSUNG

UCAPTAMA NAIB CANSELOR 2018

10. Alhamdulillah, semalam telah berlangsung Ucaptama Tahunan Naib Canselor 2018, terima kasih diucapkan kepada semua warga UniMAP yang hadir bagi mendengar amanat dan harapan untuk kita bersama-sama menaikkan nama UniMAP ke peringkat yang lebih tinggi. InsyaAllah.
11. Saya percaya ramai antara kita faham akan maksud yang saya ingin sampaikan di dalam Ucaptama itu dan tidak perlulah rasanya saya mengulangi di sini. Semoga segala hasrat dan hala tuju UniMAP yang telah saya sampaikan akan menjadi kenyataan dengan kerjasama dari semua warga UniMAP. Sekiranya tuan-tuan dan puan-puan ingin melihat kembali teks ucaptama itu, bolehlah membacanya di pautan laman web UniMAP.
12. Saya mengharapkan sokongan 100 peratus daripada warga UniMAP. Bersama-sama kita mengembleng tenaga bagi memastikan kita mencapai apa yang kita sasarkan untuk tahun ini. Amin.

IPITEX 2018 THAILAND

13. Semalam saya turut dimaklumkan berita kejayaan 100% UniMAP di 2018 Bangkok International Intellectual Property, Invention, Innovation & Technology Exposition (IPITEX 2018) apabila meraih 11 pingat emas, lima perak dan dua gangsa.
14. Delegasi diketuai Prof Madya Dr Mohd Musfafa Al Bakri Abdullah itu menghantar 91 penyertaan dari UniMAP serta seramai 285 penyelidik yang terdiri daripada penyelidik muda dari beberapa universiti tempatan dan sekolah sekolah seluruh Malaysia ke pertandingan tersebut yang merupakan platform terbaik untuk mengetengahkan produk dan inovasi terus kepada industri.
15. Tahniah diucapkan. Semoga kejayaan ini akan memberi inspirasi kepada warga UniMAP untuk terus melakar kejayaan demi kejayaan selepas ini.

Hadirin dan hadirat sekalian,

PROGRAM AKAN BERLANGSUNG

SEMINAR REVOLUSI INDUSTRI 4.0: PENTADBIR MEREKAYASAKAN MASA DEPAN BERTERASKAN PEMBANGUNAN INSAN

16. Pada 8 Februari 2018 (esok) Persatuan Pegawai Tadbir dan Ikhtisas Universiti Malaysia Perlis (POTENSI) bersama Majlis Persatuan Pentadbir Universiti Awam Malaysia (MASTI) akan menganjurkan Seminar Revolusi Industri 4.0 : Pentadbir Merekayasakan Masa Depan

Berteraskan Pembangunan Insan. Bertempat di Anjung UniMAP Kuala Lumpur.

17. Majlis Perasmian Seminar oleh Timbalan Ketua Setiausaha (Pengurusan) Kementerian Pendidikan Tinggi Yang Berbahagia Dato' Kamel Mohamad.
18. Saya difahamkan seminar selama sehari itu disertai lebih 70 pentadbir dari 15 buah Universiti Awam di seluruh negara. Marilah kita mendoakan agar seminar ini berjalan dengan lancar serta dapat menjadi contoh kepada seminar-seminar yang akan dianjurkan di masa akan datang.

KARNIVAL PENDIDIKAN TINGGI NEGARA (KPTN) 2018, ZON PERLIS

19. Untuk makluman semua warga UniMAP, Kementerian Pendidikan Tinggi Malaysia dengan kerjasama UniMAP akan menganjurkan Karnival Pendidikan Tinggi Negara (KPTN) 2018, Zon Perlis pada 10 dan 11 Februari 2018, bermula jam 9.00 pagi hingga 5.00 petang, bertempat di Dewan Ilmu UniMAP, Kampus Pauh Putra.
20. Saya difahamkan pelbagai agensi berkaitan pendidikan tinggi akan mengambil bahagian, antaranya 20 Universiti Awam, Jabatan Pendidikan Politeknik, Jabatan Pendidikan Kolej Komuniti, Institusi Pengajian Tinggi Swasta dan lain-lain agensi di bawah KPT.
21. Selain itu turut diadakan, Pameran Pendidikan Tinggi, Pengisian UPU Online, Taklimat Kerjaya, Khidmat Bimbingan dan Kaunseling, Taklimat Kemasukan Pelajar ke IPT, Pemeriksaan Kesihatan, Demonstrasi Sains dan banyak lagi. Saya berharap semua

warga UniMAP akan membantu meuar-uarkan kepada masyarakat untuk memanfaatkan peluang ini dengan menghadirkan diri pada Karnival tersebut. Marilah kita bersama-sama doakan agar program ini akan berjalan dengan lancar, InsyaAllah.

Hadirin dan hadirat sekalian,

PENUTUP

22. Rasanya setakat ini saja ucapan saya pada hari ini semoga apa yang dikongsikan akan dapat memberikan manfaat untuk kita semua.

Saya sudahi dengan Wabillahitaufik Walhidayah Wassalamualaikum Warahmatullahi Taala Wabarakatuh.